

陝西鳳集

宋景文集

+



原书缺页

原书缺页

原书缺页

原书缺页

分重由于借力借力于賢則國治就卑以己則士

就卑分重由于借力借力于賢則國治就卑以己則士
集此平津侯所以開東閣延天下之俊也于是漢興七
十餘歲矣制度草創禮文未縉上方嚮儒術絀黃老議
正朔易服色郊見上帝親巡泰山北採單于嫚書之罪
南誚勁越不臣之俗東築穢貊滄海之郡西開夜郎邛
罽之道求非常之人待不次之位四方之士上書銜鸞
者以千數我侯起白屋以春秋之義繩臣下取漢相則
不得不求賢以自輔也夫賢至而禮不篤與不至同禮
篤而用不密與不禮同我侯坐閣以賓之脫粟以食之

悉其奉賜以給諸公可謂禮之矣從容請問講聞高義
可謂用之矣是以國家表裏爛焉可睹天下學士靡然
嚮風耳不殫聽人無所隱其聰目不徧窺物無所逃其
瞭漢之得士于斯爲盛且夫官惟其人無之則闕後之
宰天下者爲不少矣然而專其茵軾與其垣宇門闢呵
留騶呼傳唱士有願見而不獲民有赴訴而中止況求
乎歷相府坐相閣攘袂以言天下之事乎故齷齪備員
者有之沾沾多易者有之褚淵障扇以自蔽常袞塞門
以示威固其然也噫其人存則其閣立其人亡則其閣

物比山岐路

廢屈菴孫賀毀爲廐庫可勝嘆哉儒有千載而下覽乎
舊史嘆東財不見也我見其傳如人存焉遂爲贊云
衆材構厦閣之與羣賢講治時之嘆吁嗟乎平津棟析
懷崩閣之廢衆士不集時之弊吁嗟乎平津

嚴遵

字君平

贊

平津棟析

君平沈冥賣卜肆中子以孝言臣則告忠日足百錢
門著書十萬餘言黃老其徒李彊牧州喜欲吏君揖風
而慙噤語于脣還謂子雲子誠知人九十壽約聲高
旻

嚴遵

蜀郡太守廬江文公贊

天挺耆俊有德有文漢天子命往撫蜀人蜀始樸蒙公
不謂然選士詣學歸相教言一年而業三年而儒五年
大成家詩戶書以勤相矜以情相恥出有教父入有順
子文如馬揚節如嚴李由公教之聲塞天地蜀戴公仁
世世奉祠千五百年惟公之思

王褒

字子淵贊

子淵軒軒洵美有文宵雅鹿鳴帝用攸聞此盛德事讓
不克堪頌聖得賢戒松喬是耽以諫人大數從幸巡受

詔作賦持節迎神未克告猷少謝良臣

張寬贊

惟武嗣位而有荒志厥德靡升神不妥祀嫫然靈媛止
乎渭濱帝用走咨何所而人媛告七車能爲我言君稽
首對吾祀弗蠲帝用謝愆改馨厥薦天人之交自我而
見

宋樞密直學士知益州蔣堂

字希魯

贊

蔣侯挺挺天與嚴方健而文明不逢不將在始蜀人政
未及乎纖者嫉侯膏吻騰誣侯政已孚蜀人熙熙侯坐

徙官遠近驚咨侯始興學紹文之餘百堵增增大度厥
居髦俊聿來晝經夜史益然西南號多君子侯旣去州
右區卽毀侯惠在人己膚而髓子產相鄭先謗後歌來
世視之謂侯如何

蜀人李仲元贊

并序

內發乎天光外隱乎人曜古之道術有在于是者先生
聞其風而悅之境乎太虛鄉乎何有上際于天不足容
其高下蟠于淵不足寄其深沕乎其未始有也漠然其
不可測也故先王之道無跡而稱焉上不溷其至眞下

墨

658

313 情情

655 313 2 接
公做來的事

不異乎當世古之道術有在于是者先生聞其風而悅
之接之以太和冥之以常動盡乎物畛放乎天均泰山
槃地與之齊其大纖塵飄空與之等其細縈焉其未嘗
默也故先生之名有謂而述焉先生喻岷山之英儲井
絡之精鳳翔覽德龍蟠隱靈若乃孤風扇于緜區長波
溢于來世道隔用表隱顯無跡身寄形外名言所絕是
以良史不得牒其世聘輪不得寵其家三府不得署其
行諸儒不得宗其教乘萬物而連抃襲一氣而訢合彼
其視爵位若雛鳳之腐比毀譽如蚊虻之過況夫規規

末俗悠悠常論可髣髴其道乎惟揚子稱之曰不屈其志不累其身仲元世之師也雖然予嘗言之無用之用大矣有用之用小矣持蒸燭于幽室雜然稱其景及夫翔陽逸駭天寓同煥則未嘗謝其明挾重纊于大寒覺然愛其溫至乎陽春發榮萬彙該暢則無能論其燠先生之道非近是乎夫至人不待江海而潤非取晉楚而富工乎天而不繫同乎人而俱化孰肯嗅驕餌以邀盈皆之禍冒寘名以取畸人之戮哉千載寂寥高範隆絕挹咀遺味敢稱贊云

2 2 2 2 2 2 2
 3 3 3 3 3 3 3
 4 4 4 4 4 4 4
 5 5 5 5 5 5 5
 6 6 6 6 6 6 6
 7 7 7 7 7 7 7
 8 8 8 8 8 8 8
 9 9 9 9 9 9 9

道不可識識之淺矣道不可知知之褊矣不識不知乃
 道之微先生用舍此焉是依子雲稱述外而不內晦不
 我賤達不吾貴無言有言有謂無謂綿代不窮高風難
 對

南嶽慧照禪師省賢真贊

太虛網縷六根相依師有元身廣額瞭眸以假圖假省
 師之神師昔有言妄存者亡不妄亡者存師貌雖人師
 心卽佛請視斯文

真珠菜贊

景文集

戎瀘等州有之生水中石上翠縷纖腰若貫珠蜀人以
密熬食之或以醯煮可行數千里不腐也贊曰
植根水中端若串珠皿而淪之可以代蔬

蘆仙竹贊

并序

生山澗中大抵若篠然里人移蒔圃中高止數尺贊曰
弱竿近節籜與蘆類細葉纖長萑萑而穢

天仙果贊

并序

樹高八九尺無花其葉似荔支而小子如櫻桃纍纍綴
枝間六七月熟味至甘贊曰

有子繫枝不蘄而實薄言采之味比蜂蜜

佛豆贊

并序

佛豆粒甚大而堅重農夫不常種惟圃人蒔以爲利以鹽漬然後食之小兒所嗜贊曰

豐粒茂苗豆別一類秋種春斂農不常蒔

紅珠豆贊

并序

花白色實若大紅豆以似得名葉如冬青蜀人以豆爲果俞贊曰

葉圓以澤素藹春敷子生莢間纍纍綴珠

紅蕉贊

并序

蕉中蓋自一種葉小其花鮮明可喜蜀人語染紅者謂之蕉紅蓋欲倣其殷麗云贊曰

蕉無中幹花產葉間綠葉外敷絳質凝殷

木質蓮贊

并序

花生峨眉山深谷若芙蓉香亦類之木幹修壯花夏開枝條茂蔚不爲園池所蒔贊曰

葩秀木類狀若芙蕖不實而榮馥馥其敷

重葉海棠贊

并序